

修訂日期: 2005/08/28 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 21, No. 1247

原始資料: 蕭鎮國大德提供, 北美某大德提供

No. 1247

北方毘沙門天王隨軍護法儀軌

特進試鴻臚卿大興善寺三藏沙門大廣智不空奉 詔譯

爾時那吒太子。手捧戟。以惡眼見四方白佛言。我是北方天王吠室羅摩那羅闍第三王子其第二之孫。我祖父天王。及我那吒同共每日三度。白佛言。我護持佛法。欲攝縛惡人或起不善之心。我晝夜守護國王大臣及百官僚。相與殺害打陵。如是之輩者。我等那吒以金剛杖刺其眼及其心。若為比丘比丘尼優婆塞優婆夷起不善心及殺害心者。亦以金剛棒打其頭。爾時毘沙門孫那吒。白佛言世尊。我為未來諸不善眾生。降伏攝縛皆悉滅散故。亦護持國界故。說自心暴惡真言。唯願世尊聽許。我說佛言善哉善哉那吒天王。汝為降伏一切國王大臣百寮殺凌者。亦法佛相違者。為降伏故忍汝意說真言曰。

唵地舍那吠室羅(二合)摩拏野摩賀羅惹野藥迦灑(二合)地婆哆那謨婆誡縛帝摩多羅跋馱儻娑嚩(二合)賀(引)

若行者受持此呪者。先須書像。於彩色中並不得和膠。於白[疊*毛]上畫一毘沙門神其孫那吒天神七寶莊嚴。左手令執口齒。右手託腰上令執三戟稍。其神足下作一藥叉女住趺坐。並作青黑色少赤加。若誦此呪時。就好地勿使有穢惡。種種花燒香供養。行者上下衣服並須一清。一廁行時當護身。黑月十五夜起首。對像前誦呪滿三十萬遍訖。然後取香泥供養尊像。若相違叛逆國王大臣百寮。有不善之心起者。以松葉護摩。七日之內。嚩日羅底瑟駿(說云以金剛槌打其頭及心文)。

若有人比丘比丘尼犯者。以苦練木護摩。七日內殄滅。

又法犯國王人有。以佉陀羅木上設都嚩名字書。三角火中數數令出入。口誦上呪心想設都嚩。降伏。

又法富單那。及一切鬼王來伺其便者。以金剛木護摩。不過七日殄滅。又不善怨賊來凌殺時。以心印誦上呪一七遍自殄滅不敢來。

又法欲降伏怨人暴惡之人。以苦練木護摩。又苦木之汁煮出。黃土和作設都嚩形。胸上書姓名七設都嚩。七日之中投火中。數數誦呪作印無疑滅。

又法四輩人。於七珍起不善之心。或不撰父母兄弟姊妹六親眷屬。依法柏木護摩。一切珍財自來。

又法妻子奴婢車乘。及六畜生依法柏木護摩。一切六畜自來。

又欲勝一切諸人及惡怨人。以松木作三戟稍。數數打壇底。其壇底設都嚧之形置三。數數打數數絕。

又法阿修羅窟門。當以三戟稍打。當自口開。

又法以胡粉和塼護摩。領天供四萬人。必來自國兵敵。及他國兵。一時殄滅。

心印者。二手內縛。二小二空出來去(善惡一切用)。

昔五國大亂。有八箇月經月行多法遂無法驗。行此法降伏五國五萬軍自平安故。是名隨軍護法。

毘沙門天隨軍護法儀軌